



## **Universitätsbibliothek Paderborn**

**Opvs De Ivdiciis Divinis, Qvae Devs In Hoc Mvndo Exercet**

Accessit index concionatorius in omnes totius anni dies Dominicos & Festos, ab ipso Auctore confectus

**Stengel, Georg**

**Ingolstadii, 1651**

13. Deo fidens inuenit, quod nimis solitus negligit.

**urn:nbn:de:hbz:466:1-45653**

Thom. Can- qui, secto gramine, fœnum facerent. Illi in opus strenuè incum-  
tiprat. lib. 2. bebant, vt diurni laboris mensuram quisque impletet. Erat forte  
c. 53. §. 9. perugilium Sancti cuiusdam, cum sub vesperam, vndique, in pa-  
gorum turribus, campanum æs coepit compulsari, signumque da-  
ri ad Vespertas. Eo sonitu auditu, *Dofistamus*, inquit unus è mes-  
soribus, *falcemq; seponamus, tempus est Vesperarum*. Pia monitio, a.  
pud crudos animos, non habuit locum. Quin dicterij insuper  
asperserunt ceteri monitorem. Ille tamen nullis sarcasmis abster-  
ritus, falce & opere relicto, ad preces cantusque Vespertinos se-  
contulit, reliquis porrò gramen cædentibus. Tertio inde die, in-  
pratum veniens, & longo, post reliquos, interuallo laborem in-  
cipiens pro deridiculo habitus est. Tulit cachinnos patienter: sed  
non diu fuit, cum irrisores se ipsos senserunt cachinno dignos.  
Vix enim ille manu falcem vibrare cæperat, cum ex eminentiore  
graminis surculo auream quandam miræ & visendæ magnitudinis  
monetam pendentem confexit. Quid illo lætius? Cadit illico  
in genua, &c, præ gaudio, lachrymans in diuini Largitoris laudes  
effunditur. Concurrunt ad clamorem socij, concurrit & prati-  
dominus miles: vident nummum non vulgari modo, sed prodi-  
giosè inscriptum. Miles, qui olim aliquot annos. inter scholas,  
haud magno sanè operæ precio contruerat, litteratam tamen  
monetam, voce patria, legit, & hunc ferè sensum inuenit: *Manu  
Dei me compedit; & in donum me rededit pauperi; qui non infregit  
diem Sancto celebrem.* Numum hunc vxori militis tanti fecit, vñ  
magna pecuniae summa eum emtum multis postea, in rei gestæ te-  
stimonium memoriāque commonstrāit.

## XIII.

Narrabo hic, quod à viro diligente atque industrio in can-  
dem rem narratum habeo. Duo vñā iter faciebant, quorum vñus  
in perpeti metu de victu comparando versabatur, alter verò de  
Dei Prudentiâ certus ac sui securus plenus lætitij pergebat.  
Hoc mirari ille, & è socio querere; quænam res ei tantam animi  
tranquillitatem adferret? Nam ego, inquietus, curis conficior,  
& quando de futura vitæ sustentatione cogito, intemperijs agi-  
tor. Ast ego, inquit alter, dudum hæc examissim cogitaui, cu-  
rámque omnem in eum coacieci, *Per quem nec ales esurit.* Quan-  
quam neque otiosè vitam agere decreui, sed statui, manum cum  
Deo mouere. Quia igitur immobili adhæreo, ideo quietus sum.  
*Quid verò est, manum cum Deo mouere?* roget iste, Cui alter Fide-

liter

iter, inquit, artem quam didici, exercebo: cetera Deo permittā. Dictum  
hoc impio risu exceptit anxius ille, dicens: Vidisse se multos Deo fretos  
deceptos esse. Mox ergo relapsus ad suas dubitationes, & deliberatio-  
nes coepit, inter alia, pcelli metu cecitatis; Et quid, inquit, te futurū  
esset, si cecus fieres? In hac formidine, incipit tentare, quomodo  
cecus factus progreedi posset? Itaque oculos claudit, cautēque  
manu prætenta, magno spacio nouus andabata prōgreditur. Ve-  
rū ita sponte cecus marsupium auro grauidum, in viā iacens,  
præterit, quod ponè subsequens socius conspectum illico sustulit;  
dicens, solicitudine nimia excæcatos diuinæ Prouidentiæ largita-  
tem non videre. Quia igitur in hunc modum adiunxit pauperem de  
inopia: venite & timete Dominum omnes Sancti eius: quoniam non est  
inopia timentibus eum. Diuites eguerunt & esurierunt: inquirentes au-  
tem Dominum non minuentur omni bono. Huc ergo, qui non habetis  
argentum, properate, emite, & comedite: venite emite absq; argento.

Ps. 106. 41.  
Psal. 33. 10.

Ila. 55. 1.

Absq; argento emit, qui spe & fiducia in Deum emit: absq;  
argento emit, qui non confidit in multitudine diuinitarum: absq;  
argento emit, qui argentum dispergit & dat pauperibus; nam cen-  
tuplum accipit, etiam in hac vita. Luculentam rem recenset Io-  
annes Moscus cognomento Euiratus, his verbis: Cum in Samo in-  
sula essemus, narrabat nobis venerabilis pauperum cultrix Maria  
Mater Domini, Pauli candidati, dicens: cum essem in ciuitate Nisibe,  
erat ibi Christiana mulier virum habens gentilem. Erant autem pau-  
peres, habebant tamen quinquaginta numismata. Die vero quodam  
aut vir uxori sua: Demus hæc numismata feneratori, ut aliquod so-  
latium ex eis capiamus. Ea enim segillatim consumimus, & deficiunt.  
Respondens autem illa bona vxor aut viro, si placet ea fenerari, veni-  
demus illa sub fenore Deo Christianorum. Dicit ei vir eius. Et ubi est  
Deus Christianorum, ut demus ei? ait illa: ego tibi ipsum ostendam. Si enim  
huic dederis ea, non solum non illa perdes, sed & usurias tibi persoluet &  
capitale duplum reddet. Qui ait: Eamus, ostende mihi illum, & de-  
musei. Illa vero assumens virum suum, duxit in sanctam Ecclesiam.  
Habet autem Ecclesia illa quinq; magnas tanas. Cum ergo induxit eum  
illum in Ecclesia porticum, ostendit ei pauperes dicens: istis si probueris,  
Deus Christianorum ipsa accipit. Iste enim omnes sui sunt. Qui mox  
cum gudio numismata capit erogare pauperibus. Reuersiq; sunt in do-  
mum suam. Cum vero post menses tres necessitate sumptuum angu-  
starentur, ait vir uxori sue: Soror, nihil, ut video, nobis daturus est  
Deus

Io. Moscus  
Euiratus in  
prato spirit.  
cap. 185.